



ԲԱՅ ՆԱՄԱԿ ԼՂՅ ԿԸՅ ՆԱԽԱԳԱՅ ՍՐԲՈՒՅԻ ԱՐՁՈՒՄԱՆՅԱՆԻՆ

Հարգելի Սրբուհի Արզումանյան

Վատահ ենք, որ Կենտրոնական ընտրական հանձնաժողովը լիովին տիրապետում է ընտրական գործընթացը կարգավորող օրենսդրությանը: Ուստի, չենք կասկածում, որ ԼՂՅ պետական եւ տեղական ինքնակառավարման մարմինների զբաղեցրած շենքերում ներկա դրությամբ փակցված «Ազատ Հայրենիք» կուսակցության քարոզչություն պարունակող օրացույցները եւ առկա գրասենյակային պարագաները, որոնք նկատել ենք նաեւ ԿԸՅ գրասենյակում, շուտափույթ կերպով կհեռացվեն՝ համաձայն ԼՂՅ ԸՕ 20-րդ հոդվածի 2-րդ մասի պահանջների:

Միաժամանակ պատրաստակամություն ենք հայտնում օժանդակելու ԿԸՅ-ին՝ իրազեկել ընտրողներին, որ պետական և տեղական ինքնակառավարման մարմինների, ուսումնական հաստատությունների մանկավարժական կազմի աշխատողներին, դատավորներին, դատախազներին, ոստիկանության և ազգային անվտանգության մարմիններում ծառայողներին, զինծառայողներին, բարեգործական և կրոնական կազմակերպություններին, օտարերկրյա քաղաքացիներին ու կազմակերպություններին, ընտրական հանձնաժողովների անդամներին, իրենց լիազորություններն իրականացնելիս արգելվում է նախընտրական քարոզչություն կատարել և ցանկացած բնույթի քարոզչական նյութ տարածել:

Կարծում ենք, որ այդ տեղեկության տարածումը ՉԼՄ-ներով կնպաստի ընտրությունների ազատ եւ արդար պայմանների ձեւավորմանը:

Հարգանքով՝

Վարուժան Գաբրիելյան

«Խաղաղություն եւ զարգացում» կուսակցության նախընտրական շտաբի պետ

23 մարտի, 2015թ., Ստեփանակերտ

